


**05
A
2297**



P2722 5:
DISSE^TRAT^IO MORALIS
DE
POENIS,
Quam
Auctoritate & Permissu
Amplissimi Senatus Philosophici
P RÆSES
M. CHRISTOPH: JOHANN:
BELOW, Calb. Sax.
RESPONDENTE
MARTINO CHLADNI,
Cremniz. Hung.
In illustri ad Albim Academiâ
AD DIEM XXVI. MARTII, Anno M. DC.XC.
publico placidoq; Eruditorum Examini
subjicit


WITTEMBERGÆ,
TYPIS JOHANNIS WILCKII.

VIRIS
PERILLUSTRI, GENEROSISSIMO,
MAGNIFICIS SUMME REVERENDIS,
NOBILISSIMIS ac EXCELLENTISSIMIS
DOMINIS
PRÆSIDI
CONSILIARIIS
Et
ASSESSORIBUS CONSISTORII,
POTENTISSIMI ELECTORIS BRANDEN-
BURGICI, qvod HALI se est EMINEN-
TISSIMIS &c. &c.

PATRONIS ac FAUTORIBUS post Deum
colendis
Exercitationem hanc,
Exiguum
Animi pro BENEFICIIS
æterna pietate
monumentum,
meq; ipsum ac mea studia
atq; conatus omnes
D. D. D.
PRÆSES.



J. J!



R omis & pœnis contineri Rempubl. scitum Solonis
dictum est, & haec ipsa sunt quasi duo Dii Imperio-
rum effato Democriti. Nisi enim præmis inflammen-
tur boni, segniores evadunt; nisi suppliciis deterre-
antur mali, audaciores fiant: Undique enim singuli
velut signo dato ad fas nefasq; miscendū coorti sunt:

— Non hospes ab hospite tutus,
Non socer à genero: Fratrum qvoq; gratia rara est;
Imminet exitio Vir conjugis, illa mariti.
Lurida terribiles miscent aconita novercæ, Ovid.lib.i.Me-
Filius ante diem patrios inqvirit in annos. tamorph.

Atq; uti aquum est pios præmis afficere, ne evilescat virtus, ita qvoque
justum est ac naturali juri oppidò quam congruum punire fontes, ne
augeatur malitia. Sit proinde de Poenis labor noster, in quo causæ ea-
rum evolvere conabimur, si paulisper enodaverimus, quæ ad nominis
spectant rationem. Cui nostro proposito ut benignissimum Numen ex-
alto benedicere velit, devotis nunc votis precamur.

§. I. Verba tesseræ quasi qvædam ac notæ ipsarum rerum
sunt: qvare de pœnis nobis nonnulla commentaturis, primò o-
mnium indaganda venit derivatio vocis, ejusq; variæ acceptio-
nes & Synonyma: Qui enim nucleus esse vult, nucem frangat
oportet, & qui domus vestibulum adire cupit, fores antea refè-
ret. Commorabimur itaq; circa originem vocis pœnæ, qvæ non-
nullis derivatur à puniendo, vel pœnitendo. Vid.Varro l.4.ling.
Lat. Alias deducitur à pendendo, indicando mulctam, qvâ qvis
ob delictum afficitur: aut ab eo, qvod ponè est. Sunt etiam aliæ
derivationes qvamplurimæ, de qvibus non adeò solliciti sumq,
cùm argumenta Etymologica infirmi admodum sint roboris.
Variè præterea notio pœnæ accipitur: (1) Notat *damnum* s. ma-
lum qvodcunq;, qvod alicui obvenit, licet id ipsum non patia-
tur propter aliquam culpam antecedentem, sed aliunde, si ni-
mirum vel casu qvodam, vel per injuriam contingat: qvo sensu
omne nocumentum, qvod perpeccu grave est, inter pœnas nu-

A 2

meras

meratur. (2) Dolorem, qvi delinquenti propter delictum infligitur, atque ita perpetuum respectum ad antecedentem culpam infert, sine quo tam minus pena concipi potest, quam pater si ne filio aut eques sine equo. Hinc Hor. l.3. carm. 2.

Raro antecedentem scelestum

Deseruit pede pena cludo.

Et haec acceptio in praesenti disputatione attenditur. Unde H. Grotius Lib. 2. de Jur. B. & P. c. 20. n. 1. Poenam definit per malum passionis, quod infligitur ob malum actionis, & sic merito huc referri nequeunt Martyres, qui patiuntur quidem, sed non puniuntur, cum nullius delicti, quod supponimus, rei sint.

S. 2. Poenæ vocabulo respondet in vernacula lingua Straffer Bestrafung eines Lasters / Verbrechens; in Latina Castigatio, Emendatio, coercitio, punitio, vindicta, ultio, mulcta, supplicium, animadversio, vindicatio. In Hebraica עֲוֵנָה, Chaldaica עֲוֵנָה, Syriaca עֲוֵנָה, Græca Δίκη, Τιμωρία, in Gallica, peine, punition, supplice. In Italica Pœna, supplicio, Castigio, punitione. In quibus tamen omnibus Synonymis nonnihil intercedere discriminis, si genuinum usum spectemus, facile largimur.

S. 3. Enucleata jam vocis origine de re ipsa solliciti sumus. Primo autem loco se nobis offert Causa efficiens, quam quod concernit, nullam aliam esse judicamus quam quibus potestas a Deo in subditorum vitam, actiones & bona obtigit. Sunt evidem, qui iuri naturæ adscribunt poenas, sed sine causa. Nam quam afferunt rationem, dicendo, quod jus naturæ, quæ omittenda, quæq; facienda sunt, præcipiat, illam non concludere quis non videt? Dicitat evidem jus naturæ delicta esse punienda; jubet etiam ut delictis poenæ commensurentur: quænam vero sint illæ personæ, quæ de delinquentibus poenas sumere debeant, diversaq; poenarum genera specialiter non determinat. Hinc MAGNIF. DN. ZIGLERUS: Frustra, inquit, prohiberet lex naturæ, nisi etiam gladium & virgas judicidaret, & punire transgressores juberet, cum imperfecta ea lex sit, quæ sanctione caret, & Grotius de J. B. & P. c. 20. lib. 2. §. 3. sed hujus juris subjectum i. e. cui jus debetur, per naturam ipsam determinatum non est. Dicit enim ratio, maleficum posse puniri, non autem quis punire debeat. Quare licet res sit confecta

ex

ex jure naturali, sceleratos esse puniendos, interim tamen non definit, qvis executionem pœnarum exercere debeat. Hac etiam de re nos luculentissimè instruit sacer codex, qvi independenter & principaliter Summo Numini jus pœnæ tribuit, qvippe qvod in rigore iustitiae suæ scelestum non dimitit impunitum, sed supplicia exigit à nocentibus, unde & vindex dicitur, & retributio ipsi asignatur: Majestati verò civili dependenter, utpote Dei vices in terris gerenti: adeoq; innocentes pœnæ haudqvaquam subjacere pronuntiat, facinoris verò debitas imponere pœnas jubet. *Vid. hac de re Paulus Rom. 13.* Dei enim, inquit, Minister est, tibi in bonum. Non enim temere gladium gestat. Nam Dei minister est, ulti ad iram ei, qvri, qvod malum est, fecerit.

§. 4. Antiquissimis eqvidem temporibus jus vitæ & necis erat etiam penes parentes, maritos ac Dominos, seu Patresfamilias, anteqvam potestati summæ ex Reipublicæ intrinseco contextu concederet: adeoq; illi ipsi exercebant etiam animadversionem in fontes & pœnas irrogabant: seqventibus inde temporibus factum est usq; ad potestatis civilis plenariam constitutionem, ut haberetur jus vitæ ac necis à quovis Patrefamilias ferè, qvin etiam à plurimis sub opinione vel confuetudinis vel naturalis concessionis. Nunc demum postquam imperia civilia cœpere, si non in totum ademta illa potestas, tamen imminta valdè est, ut præter modicam castigationem, quam & hodiè exercere possunt, vix ipfis qvicquam reliquum fuerit. Quare majestati civili competit hodiè animadversio in fontes & jus pœnas irrogandi. Illa enim personam Reipubl. gerere debet, ejusq; dignitatem & decus sustinere. Cic. lib. 1. Offic. & Puffendorff: *Enim verò, inquit, nobis fixum sedet potestatem pœnas sumendi esse partem imperii, adeoq; neminem posse pœnam propriè dictam alteri impo-* nere, nisi qui in ipsum Imperium habet.

§. 5. His tacite innuitur non omne individuum humanum capax & habile esse ad recipiendam hanc qualitatem moralem. Ultio enim & vindicta, qvæ cum pœna coincidunt, præsupponunt imperium & potestatem cogendi, & invito alicui aliquid infligendi. Quare PUFFENDORF, §. 10. *Pœna propriè dicta, pergit, non potest sumi, nisi ab imperante, qvicunq; demum istius finis sit: Quod si* verò Parentes animadvertisunt in liberos, propriè non pœna, sed

castigatio potius nominanda. *Discrimen enim inter personas, inquit H. Grotius l.2.c.20. §.7.* quibus id liceat, aut non, factum est à legibus, quae communem illam generis humani propinquitatem vitandarum rixarum ergo ad proximos affectus restrinxerunt, quod autem propriè non pœna, sed castigatio nominanda, & PUFFENDORF. §. 10. de J. N. & G. l.8.c.3. inquit: Parentes dupli nomine castigandi suos liberos jus habent, tūm quia educatione per naturam imperata recte fungi nequeunt, nisi ipsis concessum sit pro captu aliquid asperioris disciplina adhibere; tūm quia extra civitates degentibus in liberos imperium competit, quod licet in multis civitatibus sat sit accisum, ubique tamen id ferè remansit, ut suo judicio eos possent castigare propter illa peccata, quæ magis ex imprudentia juvenili, quam robusta animi malitia committuntur.

§. 6. Rēs igitur clara est, quod nulli nisi majestati civili competat animadversio in fontes & jus puniendi. Quæritur autem: An majestas impia possit alios punire? *H. Grotius* pro negativa sententia videtur militare: dicit enim aqvè nocentem ab aqvè nocente non debere puniri l.2. c.20. de J. B. & P. Adducit etiam Senecam, qui dicit: Non potest ullum locum habere sententia, ubi, qui damnandus est, damnat. Sed *Resp.* (1) dictum Grotii non pertinet propriè ad eos, quibus potestas publica competit pœnas exigendi; Sed qui nulla ex necessitate officii, & ostentando adverso vitia odio, ad censuram aut accusationem vitiorum privata autoritate prorumpt (2) Omnis magistratus est à Deo, quin & malus: huic ut debitam obedientiam præstems, Summum Numen præcipit; quare sceleratus, si damnat alios, se ipsum damnat. Et licet executio ob conditionem personæ non habeat locum, uti *DN. ZIEGLERUS* inquit, tamen supra se habet alium judicem, cui debitas ille pœnas dabit.

§.7. Hinc excusatio illa non procedit, si privatus se ipsum vindicaret, ex hac ratione, quia majestas cum delinquentे pari vito laboraret. Nam si hoc procederet, certè desineret autoritas publica & potestas illa gladii, juxta quam civilis potestas dicitur vindicta ad malum *Rom. 13.* Pugnaret etiam, si privatus privatum punire præsumeret, cum naturali æqvitate, quæ vult, ut proximum ames, nullo modo lædas; nec facias alteri, quod tibi non vis fieri: Nascitur etiam ille amor ex cognatione, quæ est inter

nter omnes homines ex u no scil. s̄emine & sanguine progra-
tos. Et quis ignorat , illam vindictam ex vehementi affectu,
quem iram nominamus, proficisci, quæ non facit, quod rectum
quodq; justum est coram Deo. Quin id genus homines dege-
nerant velut in feras bestias. Feræ enim est, non hominis, id co-
gitare, qvomodo remordeat quis mordentem & nocenti noceat.
Tandem societatem illam minimè ordinatam dicerem, sed po-
tius *αὐαξία* & rerum confusionem, in qua cuivis liceret despi-
cere judicem, & semetipsum vindicare; qvoniam s̄apie sub co-
lore juris & æqui infirmiores & miseri homines à potentioribus
opprimi possent. Imò & hoc absurdum exinde sequeretur, ut
quò quis fortior & potentior esset, eò plus juris haberet. Qua-
propter etiam moti sunt Imperatores, ut jus manuarium, (Faust-
und Kolben Recht) quo Cyclopes olim usi sunt , & quod apud
Germanos olim usitatisimum fuit, abrogarent.

§. 8. Sed adhuc contrarius nobis videtur esse *Hugo Grotius*
I.2. de J.B. & P. c. 20. qui dicit *I.c. vindictam privatam non esse illicitam*
Adducit etiam exempla ex *Scriptura S.* desumpta , quæ probant,
vindictam privatam esse licitam. v.g. Samsonis, de quo dicit *I.c.*
Hoc naturali jure defendens se Samson adversus Palæstinos,
insontem se testatur fore , si Palæstinos , qui se malo affecerant,
malo vicissim afficeret. Et post peractam ultionem eadem se
tuetur ratione dicens : se ipsis fecisse quod ipsi sibi fecissent
priores. Et paulò post adducit etiam loco exempli Maccabæos,
qvos *Ambrosius* laudat , qvod etiam Sabbatho ulti sint innocen-
tium necem fratrum suorum. Sed *Resp. 1.* contrariatur hoc Scri-
pturæ S. qvæ dicit *Prov. 25, 24.* *Ne dicito, quemadmodum fecit mihi,*
ita & ego ei faciam. *2. dist.* inter exempla ordinaria & extraor-
dinaria Exemplum Samsonis non potest facere regulam , sed
fuit extraordinarium. *3.* Neq; id studio vindictæ privatæ , sed
potius ex recordatione suæ vocationis & dictante ita Spiritu S.
in captales Dei & suos hostes id conatus est. *Quod attinet fa-*
ctum Maccabæorum, & hos sustinuisse personam non privatam
sed publicam, in confessu est.

§.9. *Methodi nostræ memores , progredimur ad enodatio-*
nem materiæ seu objectum , qvod duplex est, personale & reale.
Objectum Personale s. Subjectum pœnæ sunt subditi delinquentes,

five

five sit mas s. fœmina, s. nobilis, s. plebeius, s. Clericus, s. Laicus.
De Clericis dubitant adhuc Papistæ, & nullo modo concedunt,
Clericum sub imperio civili comprehendendi posse, adeoq; trans-
ferunt illud imperium vel ad Episcopum vel ad Papam. Verùm,
si dicendum, quod res est, omnino & Clerici Imperio civili com-
prehenduntur, adeoq; sunt subiectum pœnæ. Cui demonstran-
do non deficiunt *in Sacris* exempla. Scimus enim *de Salomone*,
quod Abiaterem ab officio removerit, i. Reg. 2. v. 26. 27. Id quod ne-
quaquam effectum dare potuisset, nisi imperium Salomonis in
Sacerdotés se extendisset. Accedit, quod *Paulus Rom. 13. v. 1.* O-
mnem animam subjicit potestati supereminenti, sub qua & Cle-
ricos comprehendendi necessum est. Et Servator jubet Petrum ma-
gistratui staterum solvere. Tandem si Clerici non pertinerent
ad imperium civile, majestas non potestas summa esset, neq; ad
omnes, qui in Republ. sunt se extenderet.

§. 10. Hactenus de Laicis & Clericis diximus, illos esse sub-
iectum pœnæ, si delinquunt. Jam quæstio de brutis nascitur,
num illa puniri possint? quod à nobis negatur. Ratio est, qvia
illis proxima delicti causa, qvæ est voluntas, deest. Bruta enim
non liberè & voluntariè agunt, sed necessariò: Illi verò tantum
delinquere dicuntur, qui nocendi animum habent, id quod de
brutis dici nequit. Ubi enim abest delinquendi vel non delin-
quendi discreta consideratio, ibi crimen abest. Carent deinde
intellectu, & cognitione rerum faciendarum & omittendarum:
Hinc quanquam bruta à nobis quandoq; percutiantur, id ta-
men non pœnæ loco est, sed tantum juris nostri executio & hu-
mani in bestias dominii usus. *Selden. de J. N. & G. l. l. c. 4. §.*

§. 11. Neque huic referre possumus res inanimes, ut quæ o-
mni sensu carent. Nam ubi deficit sensus, ibi nec delictum, nec
pœna locum habet. Cum verò aliquid in detestationem crimi-
nis ejusq; memoriam extinguendam sit, id propriè pœna nomi-
nari non potest. Quæri autem potest de cadaveribus *Αυτοχειρων*,
num pœna affici queaut? Ubi respondemus: Omnis pœna, cum
dolorem aliquem inferat, ad viventes pertinet; In detesta-
tionem tamen criminis, quod vivus in se ipsum commiserat, & in
declarationem, corpus istud, dum vivum esset, pœna tali di-
gnum fuisse, severior, atq; alias moris est, tractatur cadaver, quæ
seve-

severitas pœnæ speciem præ se fert, eum in finem, ut recordatione periculi alieni caveant sibi alii, & horror injiciatur ejusmodi horrendis exemplis. Neq; verò tale quid ab humanitate alienum reputandum est, cum Scriptura S. qvoq; velit, *ut cadavera impiorum insejultamaneant*, qvò memoria post mortem damnatur. *Jerem. 16, 4. 6.*

§. 12. Meritò etiam excipiuntur infantes pariter ac furiosi. Infantes quod attinet, omni judicio carent boni & mali distincto, iniciti & inviti faciunt, quicquid delinquentे videntur: carent tandem electione, adeoq; ab omni culpâ sunt immunes: negatâ verò culpâ, negatur etiā pœna Formale enim propter qvod malum, qvod alicui infligitur, pœnæ rationem habet, culpa est, qvæ legis transgressione est contracta. Hęc si non datur, pœna qvoque locum non habet. Hinc Prudentius *ad El. 5. 6. 7. Hymn. X.* Nec vim decebat innocentia tatulæ inferre lege &c. Faciunt huc verba AMESII de CONSCIENTIA cap. 3. lib. 5. n. 8. *Pœna justa*, inquit, in formali suâ ratione respectum habet ad culpam antecedentem, ut effectum ad suam causam impellentem, aut meritoriam. Ut adjunetur ad suam similem regulam ex qua mensuram habet, ut actus corrigens, ad suum objectum corrigendum: Nullum igitur locum habere potest, ubi nulla culpa præcessit. Et Excellent. DN. Nöhrensee/P. P. Moralium, Præcept. ætatem colendus in Disp. de Pœnâ innocentis, inquit: *Necessarius & inseparabilis nexus est inter pœnam, reatum & culpam, qualis videlicet inter antecedens & consequens, ut dato consequenti, necessum sit dari etiam antecedens, et si contra non valeat.* Ex his proinde firmissimè concluditur, infantes omni pœnâ eximi debere. Quapropter etiam prægnantes ordinariè non puniuntur, ne quid innocuo fœtui inferatur, quod solius matris erat, ut lueret.

§. 13. Furiosos quod attinet, & illis deest voluntas, neq; propositum delinquendi habent. Jam autem qværitur, an furiosus, qvi post patratum facinus in furorem incidit, puniri possit? R. Neg. qvia jam tūm miserrimè tractatur à furore & sat pœnæ habet: afflictio autem non addenda ulterior afflictio est. Qvod si verò sana mens redit, & iterum resipiscit furiosus, non video, cur non etiam illi pœna pro delicti qualitate imponi possit.

§. 14. De Principibus tandem & personis majestate fulgentibus

tibus res confecta est , qvod ab omni pœnâ immunes sint, ex
qvibus porrò seqvitur, illas non esse subjectas pœnæ. Aut enim
sibimet ipsis dictabunt leges, aut sument pœnam ab iis subditi.
Prius qvod attinet , sciendum, vim coactivam in has personas
nullam esse; nemo n. sui ipsiq coactor esse præsumitur; Nemini
etiā in propria causa judex esse juxta regulam JCtorum permit-
titur. Num autem altera alteram Majestate pollentem perso-
nam punire possit, valde dubitatur, qvia par in parem non ha-
bet imperium. Longè autem alia esset ratio , si qvis in alterius
territorio commoraretur, tunc omnino cessaret & respectus su-
perioritatis , & majestas subjici videretur Imperio ac Summitati
ejus, in cuius civitate versatur. *Posterior* concedi nequit, ex hac
ratione, qvia potestas pœnas sumendi requirit partem Imperii:
qvomodo autem subditus alteri pœnam potest imponere , si
ipsi in alterum nullum concessum est Imperium. Porrò illæ per-
sonæ nullum agnoscunt superiorem excepto solùm Deo glorio-
so, qvare vocantur vicarii Dei *Paral. XIX.*, 6. qvod & innuit *Ter-
tullianus*: *Sciunt Imperatores, inquieti, qui illis dederit imperium:*
*Sentiunt Deum esse solum, in cuius solius sunt potestate, à quo sunt se-
cundi, post quem primi ante omnes Deos & super omnes homines.* Et
D. Ambros. Peccavit David, quod solent Reges, sed pœnitentiam ges-
sit, flevit, ingemuit, qvod non solent Reges. Qvod erubescunt facere
privati, Rex non erubuit confiteri. Qui tenentur legibus, audent suum
negare peccatum, de dignantur rogare indulgentiam, quam petebat,
qui nullus tenebatur legibus humanis. Rex utiq^e erat, nullus ipse legibus
tenebatur, qvia liberi sunt Reges à vinculis delictorum. Neg^e enim ul-
lis ad pœnam vocantur Legibus, tibi Imperii potestate, homini ergo non
peccavit, cui non tenebatur obnoxius. Et Horat. *Lib. III. Od. 1.*

Regum timendorum in proprios greges

Reges in ipsos Imperium est foris.

Si itaq; nullum judicem agnoscunt nisi Summum Numen, qvis
has personas in terris judicabit? Subditi Principibus inferiores
sunt; jam verò inferiori in superiorem denegatur imperium.
Vid. de hac re Puffendorf. de J. N. & G. lib. 7. c. 6. §. 2.

§. 15. Explicato Objecto personali accessum etiam facimus ad
Objectum reale propter qvod pœnæ infliguntur. Illud autem est
delictum h. c. legum transgresio: Leges enim lœfas esse oportet,

tet, si pœnæ seqvi debent; è contrario, si leges lœfæ non sunt,
neq; pœnæ locum habent. Et ex his seqvitur qvod non omnes
actus vitiosi puniri possint. Distingv. autem statim in anteces-
sum inter actus vitiosos internos nude spectatos, & inter actus in-
ternos cum externis conjunctos. Qvod attinet actus vitiosos vo-
luntatis elicitos, immanentes & merè internos, planè puniri
non possunt, qvia extra civilem jurisdictionem ea sunt pecca-
ta, qvæ civilem societatem minimè lœdunt; hæc igitur si non
lœla, neq; leges lœfæ dici & per consequens neq; pœnæ expe-
ctari possunt. Regeris: hac ratione approbantur scelera & ma-
nifesta præbetur hominibus occasio in illis perseverandi. R.
Qvod toleratur, id idcirco non approbatur: ex duobus qvippe
malis minimum (ut vulgo loqvuntur) eligendum est, & ita
ob bonum salutemq; Reipublicæ min⁹ malum tolerari potest,
ut majus evitetur, si ambo simul eradicari non possint. Præ-
terea eò etiā res rediit post lapsum, ut vitam vitiis contamina-
tam ducamus, & licet vel maximè in id omnem industriam
intendamus, ut inculpatè vivamus, nunquam tamen eâ, qvâ
par erat, ratione præstare possumus. In imperfecto enim nun-
qnam perfectum deprehenditur; Et certè, si puniendus esset, cui-
cunq; pravum maleficumq; ingenium est, pœna paucos exciperet, elo-
gio Senecæ l.2. de Ira c.31. Qvapropter toleranda quædam ob hu-
manam imperfectionem existimamus, & talia relinquimus
Deo punienda, qvi & ad ea noscenda sapientissimus, ad ex-
pendenda æqvissimus, ad vindicanda potentissimus severis-
simusq; est. Excipiuntur hic etiam suo jure actus planè ine-
vitabiles. Contra æqvitatem enim esset, illud qvod propter
imbecillitatem humanam evitari non potest, pœnam huma-
nam in currere. Cuilibet etiā liqvet, leges datas esse illis actio-
nibus, qvæ sunt in nostrâ potestate; actus verò inevitabiles in
nostrâ potestate non sunt, adeoq; neq; leges violent, neq; per
consequens pœnam merentur. Dicūs: Ergo & hic est actus in-
evitabilis, si qvis per adultam consuetudinem peccat: Resp. neg.
qvia hi actus non proficiuntur ab imbecillitate naturæ, sed
à culpa præcedente, qvia aut neglecta sunt remedia, aut mor-
bi ultrò in animum admisi.

§. 16. Secus autem se res habet, qvando actus interni cum
actibus externis conjunguntur: Ratio prior exspirat, læditur
enim societas humana si non directe, tamen indirecte: Hæc
autem si læsa, & leges læsas nemo dubitabit & pœnâ proin digni-
censebuntur illi actus. Qvâ de re MAGNIF. DN. ZIGLERUS multa
tradit ad Grotium l. 2. §. 30. distingvunt etiam adhuc conatum,
utrum ad actum proximum, an verò ad remotum saltem per-
venerit & impeditus fuerit externo principio: De posteriori
tradunt, qvod hi conatus ordinariâ pœnâ puniri non possint,
quia id, qvod intenditur, minimè effectum v.g. qvando parri-
cidium qvidem attentatum fuit, sed conatus ad actum solum
remotum pervenit; aut si qvis aliquem percussit leviter, aut
emit venenum, sed non propinavit, vel impeditus fuit &c.
Quare rectissimè Magnif. DN. ZIGLERUS l. c. Sed svadet tamen,
inqvit, recta ratio ut in casu, quo effectus conatum non secutus, ab or-
dinariâ pœnâ abstineatur, præsertim in iis delictis, quæ communem
ordinem & securitatem civilem non perturbant. Qvod si verò co-
natus ad actum proximum pervenerunt, tum ordinariâ pœnâ
id genus homines afficiendos esse ad unum omnes profite-
buntur.

§. 17. Tantum de Subiecto & Objecto Pœnæ: Provehi-
mur nunc ad illius formale. Est autem illud commensuratio-
pœnarum ratione delicti, adeoq; probè attendendum, ne pœ-
na durior aut remissior inferatur, qvam delicti qualitas requi-
rit; sed, prout res postulat, ita in reum statuatur, necesse est.
Discrepant autem adhuc Autores, qvomodo pœnæ delictis sint
commensurandæ? Putant alii rem optimè decidi posse, si obser-
vetur proportio geometrica, qvando in pœnis irrogandis, non
tantum uni, quantum alteri, tribuitur, sed pro respectu per-
sonarum pœnæ nunc graviores nunc leviores estimantur.
Perinde ut in distribuendis præmiis, si personæ sunt æquales,
præda æquali, si inæquales, etiam præda inæquali ratione di-
stribuitur. De æquilibus res clara & evidens est: De inæquali-
bus aliqvod exemplum afferemus. Sit v.g. Tribunus militum,
qui centurionem dignitate & meritis quintuplo superet, sit in-
ter eos distribuenda præda communis 60. Imperialium; adsunt
hic

Hic dūæ rationēs , unā inter dignitatem Tribuni militum & Centurionis, alia inter prædam distribuendam : adest etiam rationum similitudo utraq; quintupla , per qvam dicere licet : Ut si habent merita Tribuni militum ad merita Centurionis ita qvoq; præda distribuenda nempe ut 50.ad 10. se habere debet. Sic qvoq; comparatum esse cum pœnis affirmant. Alii militant pro proportione arithmeticâ , qvæ citra respectum personarum, tantum uni, quantum alteri tribuit : Id qvod etiam suo loco lingvimus. Tuttissima autem via erit, si formam petitus ex arbitrio Legislatoris aut summum imperium tenentis, ad salutem Reipublicæ respicientis, qui pro delicti qualitate nunc majores & atrociores, nunc minores & mitiores decernere potest pœnas. Magistratus dein inferior, si hæc observat, & pro varietate circumstantiarum judicat, debitas cuiq; pœnas imponet. Circumstantiæ autem sunt v.g. Quantum, qvale scelus, scientia, sexus, conditio, tempus, locus, modus. &c.

S. 18. Dispiciendum igitur erit I. de scelere, quantum aut qvale hoc sit, num universam hominum societatem lædat, aut publicum civitatis ordinem perturbet, aut non: qvod qvò gravius vel levius ita gravior vel levior pœna obtinet; & qvò perniciosius Reipublicæ, eò acrius etiam vindicari debet. II. Judicandum etiam erit de ætate, num sit aliquis pubertate proximus aut remotus, num pubertate completâ aut non completâ deprehendatur. III. Probè observanda erit persona, tūm qvæ delinqvit, tūm in qvem delingvit. Si sunt personæ, qvæ in publico munere vivunt v.g. Sacerdotes &c. tunc sæpè majus censetur delictum: ratio, quia suo exemplo plus nocent, qvam alii, qui extra officiū sunt constituti sacrum. Quapropter scitè illæ personæ comparari possunt cū sole : Hic n., si quando obscuratur, omnes ferè ad illum convertuntur oculi, in stellis autē licet aliqua obscuratio deprehendatur, nemo illā aut pauci observabunt. Sic qvoq; se res habet cū personis in officio publico & extra illud positis: Illas, si delinquunt, omnes intuentur, flagitiaq; majori turpitudini ducunt, qvæ in illis deprehendunt, quam alias in his, qui publico munere nō funguntur, animadverti solent facinora & censi. IV. Neq; abs re erit si dispi-

cia-

ciatur de tempore, quo aliquis delinqvit, num die Sabbathi aut
alio: num tempore matutino, nocturno aut diurno? Prout de-
inde deprehenduntur crimina ita quoq; graviora & leviora
æstimari debent. V. Ratio quoq; loci habenda est, num sit pu-
blicus aut privatus, sacer an profanus. Ille enim, qui in loco pu-
blico aut sancto nefas committit, gravius omnino peccat,
quam ille, qui in privato aut profano loco honestatis decorisq;
limites transilit. Et uniuscujusq; judicio ille, qui in templo pu-
blicoq; foro stuprum commisit, acriori animadversione pœ-
naq; dignus est, quam ille, qui in cauponâ, alioq; profano loco
id flagitium perpetravit. VI. Tandem nec modus negligen-
dus, quo aliquis delinqvit, num dolo, impetu, culpâ; an casu &
fortuitò delictum commiserit? Peccata enim, quæ vi, furo aut
dolo perpetrata sunt, graviora longè æstimari debent, quam
quæ fortuitò & sine proæresi commissa sunt: Assumamus duos
in cendiarios, quorum alter ex improviso & præter spem; alter
verò furo & dolo ædes incendit, ubi sanè ab illo, qui ex impro-
viso id peregit, levior pœna repetitur, hic verò, qui curavit,
ut nocens esset, etiam morte multari potest, quia subdolus e-
jus animo, præmeditato & obstinato peccandi proposito mu-
nitus fuisse præsumitur. Hinc m. Cic, omne, inquit, quod consulto
& de industria factum est, majorem movet indignitatem. Exinde etiā
fieri solet, quod majora scelera levius quam minora compe-
scantur, si illa lapsu & nulla crudelitate commissa sunt, his verò
inest latens, operta & in veterata calliditas. *Rectè igitur Seneca*
lib. de Ira Cas. ult. Idem, inquit, delictum in duobus non eodem modo
afficit, sed alter per negligentiam commisit, alter curavit, ut nocens
esset. Ad modum etiam pertinent vitia duplicata. Nam qui sa-
pius peccant, severiori pœnâ afficiuntur, quam qui unâ aut
alterâ vice tantum deliquerunt. Rationem suppeditat quo-
tidiana experientia, quia aliquoties apprehensi tractati cle-
mentius in eadem propositi temeritate perseverarunt. Ex his
proin similibusq; circumstantiis satis atque luculenter patet
quomodo quis puniri possit. Prout nimirum delictum se ha-
bet, ita quoq; infliguntur pœnæ. Et hæc de forma.

Tan-

§. 19. Tandem etiam finem considerabimus. Triplicem autem cum Seneca lib. de Clem. c. 22. constituemus. Dicit enim. l. c. Trias spectat lex, ut cum, quem punit, emendet, aut pœna cœteros mitiores reddat, aut ut Sublati malis cœteri securiores vivant. Primus itaq; finis est delinquentis animi emendatio. Comparatum est cum hoc fine, ac cum medico vulnus ab ulceribus purgante, vel etiam medicamenta admovente; qui id intendit, ut homo pristinam sanitatem recuperet, & per consequens emendetur: ita qvoq; pœna medicamenti loco est, qvo delinquentis definiat peccare, atq; ita emendetur: qvo pertinet illud Senecæ lib. i. de Ira. c. 14. dicentis: Corrigendus est qui peccat, & admonitione, & vi & molliter, & asperè: meliorq; tam sibi quam aliis faciendus, non sine castigatione, sed sine ira. Quis enim, cui medetur, irascitur? Illa autem emendatio ad mortem usq; procedere non potest. Rationem allegat Grotius, cum qvo consentit Puffendorf. Qvia sic non emendaretur sed prorsus tolleretur, delinquentis: deinde delinquentis etiam nullum emendationis specimen exhibere posset, & sic cessaret qvoq; hic finis. Sed alia ratio est, si delinquentis istiusmodi atrociora facinora committit, qvæ non nisi cum morte aboleri possunt. Et certè hic homo dein incorrigibilis pronuntiatur, qui parum vel nihil conductet Reipublicæ, cui ergo nihil decedet, licet illud inutile terræ pondus è medio tollatur. Qapropter & Grotius rectissimè dicit: Ingenie in sanabilibus, quæ pœnam mortis promeruere, melius est i. e. minus malum, emori quam vivere.

§. 20. Secundus pœnæ finis est, ut alii meliores reddantur. Si enim viderint alii, qvod aliorum hominum delicta & facinora puniantur, metu cognitæ pœnæ alii ab iisdem delictis sive facinoribus deterrentur, sibiq; prospiciunt, ne parem animadversionem sentiant. Exempla enī, inquit Grotius, ideo adhibentur, ut unius pœnæ metus sit multorum. Adeoq; supplicia non sumi solent, intra angulos carcerum, sed in locis celeribus & cum terribili apparatu, qui terrorē animis vulgi incutere valeat. Qod si autem quis alio modo procederet, ut malum infligetur absq; consilio publico cavendi, aut subditis reformati,

pœna

pœna non esset, sed factum hostile, qvia pœna sine suo fine esse non potest.

§. 21. Tertius & ultimus Pœnæ finis est securitas; Per se-
veritatem enim pœnæ securitati omnium consulitur. Ex hoc
seqvitur privatam vindictam inutilem pernitosamq; esse,
qvia privatus securitatem suam publico præstare vel terrore a-
lios avocare non potest. His accedit particularis privatorum
finis, Utilitas ejus, & qvi deliqvit, & cuius intererat nō delictū,
qvi tamen sub universal iſto comprehenditur, qvia qvicquid
ab his exigitur, vel obtinetur, id omne in communem securi-
tatis publicæ finem confluit, & propter eū contingit. Alterius,
cuius intererat delictū non esse, utilitas est(1) ne tale quid ille
postea ab eodem, aut ab alio patiatur(2) Ut damni, qvod passus
fuerat, ipsi satisfactio detur. *dicit*: Qvì satisfactio fieri poslit
cùm factum reddi infectum nequeat: læsio etiam semel fa-
cta læsio maneat? Resp. Satisfactio in eo consistit, ut signifi-
cet reduci ad priora & retributione æqvivalentis à Magistra-
tu determinati absolvi posse. In eundem enim planè sta-
tum, in quo ante injuriam, vel delictum nobis intentatum,
fueramus, redire posse, impossibile est. At regeris: Qvod-
nam læsi solatum sit? Resp. determinatio à Magistratu expe-
ctanda est, quam pœnam hic dictabit, hanc ille, qvi læsit,
perferre cogitur; Ex quo colligimus læsum non posse deter-
minare ac definire pœnam pro lubitu; qvandoqvidem ipsi so-
li non ponitur, sed prout universaliori fini, securitati
nimirum publicæ conductit.

SOLI DEO SIT LAUS, HONOR,
ET GLORIA.



05 A 2297



Vd17



Farbkarte #13

